

**Broj: 06-03-564-07/15**  
**Mostar, 23.07.2015. godine**

Na osnovu člana 21., člana 22., člana 37., člana 38. i člana 87. stav (3) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13), člana 10, člana 11., člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14), člana 8. stav (1), člana 32. stav (4) i člana 45. Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14) i člana 52. Pravilnika za izdavanje dozvola („Službene novine Federacije BiH“ broj 43/14), te na osnovu podnesenog Izvještaja o nadgledanju imaoća dozvole „ESKIMO S 2“ Travnik d.o.o., Regulatorna komisija za energiju u Federaciji Bosne i Hercegovine – FERK je 23.07.2015. godine na XIII redovnoj sjednici donijela sljedeće

### **RJEŠENJE**

1. Nalaže se „ESKIMO S 2“ Travnik d.o.o., imaoću Dozvole za rad – licence za obavljanje elektroprivredne djelatnosti proizvodnje električne energije broj 06-03-990/10/10 od 06.09.2012. godine, preduzimanje sljedećih mjera **bez odlaganja**, u skladu sa uslovima izdate dozvole po tačkama kako slijedi:

#### **a) Obavljanje licencirane djelatnosti**

Tačke 3.1., 3.3. i 3.4. Dozvole za rad – licence za obavljanje elektroprivredne djelatnosti proizvodnje električne energije:

- 1) **preduzeti sve potrebne aktivnosti kod nadležnih organa u cilju ishodovanja svih potrebnih dozvola, odobrenja i druge dokumentacije za navedenu turbinu/agregat instalisane snage 295 kVA, proizvođača ATB – SEVER, za koju nije ishodovana dozvola za rad FERK-a, te ne puštati istu u pogon dok ne ishoduje navedenu dokumentaciju,**
  - 2) **izvještavati FERK o preduzetim aktivnostima iz alineje 1) ove tačke.**
2. Ovo rješenje je konačno i stupa na snagu danom donošenja, te se objavljuje na oglasnoj tabli i internetskoj stranici FERK-a.

### **Obrazloženje**

Postupajući u skladu sa Zakonom o električnoj energiji („Službene novine Federacije BiH“ broj 41/02, 24/05, 38/05 i 83/11) propisanim nadležnostima, FERK je imaoću dozvole „ESKIMO S 2“ Travnik d.o.o. Rješenjem broj 06-03-990-10/10/10 od 21.12.2010. godine izdao Dozvolu za rad – licencu za obavljanje elektroprivredne djelatnosti proizvodnje električne energije broj 06-03-990/10/10 za proizvodni objekat mHE „Podstinje“. Navedena dozvola za rad – licenca je izmijenjena i dopunjena Rješenjem broj 06-03-562-11/18/11 od 30.09.2011. godine, radi izgradnje i obavljanja elektroprivredne djelatnosti proizvodnje električne energije i u proizvodnom objektu mHE „Vileška“, te Rješenjem broj 06-03-615-10/25/12 od 06.09.2012. godine, radi izgradnje i

obavljanja elektroprivredne djelatnosti proizvodnje električne energije i u proizvodnom objektu mHE „HUM“. Period važenja navedene dozvole za rad – licence je do 20.12.2015. godine.

U navedenoj Dozvoli za rad – licenci u tački 3.1. propisano je da je imalac dozvole ovlašten obavljati djelatnost proizvodnje električne energije u proizvodnim objektima, mala hidroelektrana mHE „Podstinja“ (na vodotoku rijeke Bila, naselje Han Bila, opština Travnik) instalisane snage 420 kW i predviđene godišnje proizvodnje 1.672 MWh, mHE „Vileška“ (na vodotoku Vileškog potoka, naselje Potočani, opština Bugojno) instalisane snage 344 kW i predviđene godišnje proizvodnje 1.929 MWh i mHE „HUM“ (na vodotoku rijeke Jasenica, naselje Mehurić, opština Travnik) instalisane snage 648 kW i predviđene godišnje proizvodnje 3.213 MWh, čiji su tehničko-energetski parametri dati u Prilogu 1, Prilogu 2 i Prilogu 3 iste dozvole. Dalje, tačkom 3.3. dozvole za rad propisano je da je imalac dozvole obavezan obavijestiti FERK o planiranim i ostvarenim aktivnostima vezanim za održavanje sredstava za obavljanje licencirane djelatnosti, dok je tačkom 3.4. propisano da imalac dozvole u proizvodnim objektima mHE „Podstinja“, mHE „Vileška“ i mHE „HUM“ sa tehničko-energetskim parametrima datim u Prilogu 1, Prilog 2 i Prilog 3 proizvodnju električne energije obavlja kao kvalifikovani proizvođač.

Osim navedenog, tačkom 9. predmetne dozvole propisano je da u okviru svojih nadležnosti FERK vrši nadgledanje ispunjenja uslova iz dozvole, te da je u cilju ispunjenja uslova iz dozvole imalac dozvole obavezan dostavljati podatke u skladu sa tačkom 4.15. i druge dokumente, podatke i informacije na zahtjev FERK-a, koje su FERK-u potrebne u svrhu primjene Zakona o električnoj energiji u FBiH, da bi FERK-u omogućio izvršavanje njegovih nadležnosti u skladu sa zakonom i pravilima i propisima FERK-a. Takođe, propisano je i da je imalac dozvole obavezan obavijestiti FERK o svakoj povredi uslova dozvole u roku od 10 dana od saznanja da je došlo do povreda. Ovlašteni zaposlenici FERK-a, u skladu sa ovom tačkom, imaju pravo obavljati redovno i vanredno nadgledanje u prostorima imaoaca dozvole, da bi izvršili uvid u obavljanje elektroprivredne djelatnosti po obavezama datim u dozvoli, te je imalac dozvole obavezan saradivati sa FERK-om tokom pripreme i prilikom obavljanja nadgledanja.

Tačkom 11. dozvole za rad propisano je to da ukoliko FERK zaključi da imalac dozvole nije ispoštovao ili krši uslove dozvole, preduzima sljedeće aktivnosti: a) opominje imaoaca dozvole o evidentiranim nepravilnostima, b) podnosi prekršajni nalog c) pokreće postupak oduzimanja dozvole.

Na osnovu člana 21., člana 22., člana 38. i člana 87. stav (3) Zakona o električnoj energiji u Federaciji Bosne i Hercegovine i člana 52. Pravilnika za izdavanje dozvola, odnosno u skladu sa tačkom 9. Dozvole za rad – licence za obavljanje elektroprivredne djelatnosti proizvodnje električne energije broj 06-03-990/10/10 od 06.09.2012. godine u proizvodnom objektu mHE „HUM“, 02.07.2015. godine Komisija za nadgledanje obavljanja licenciranih djelatnosti imenovana Rješenjem FERK-a broj 05-08-422-05/15 od 11.06.2015. godine izvršila je nadgledanje obavljanja elektroprivredne djelatnosti proizvodnje električne energije. Tokom nadgledanja, navedena komisija je uvidom na licu mjesta utvrdila da je u proizvodnom objektu mHE „HUM“, imalac dozvole izvršio ugradnju treće turbine/agregata, koja nije obuhvaćena FERK-ovom Dozvolom za rad – licencom za obavljanje elektroprivredne djelatnosti proizvodnje električne energije broj 06-03-990/10/10 od 06.09.2012. godine. Utvrđeno je i da navedena turbina/agregat, instalisane snage 295 kW, proizvođača ATB–SEVER, nije bila u funkciji, odnosno kako je glavni prekidač u razvodnom i upravljačkom ormaru bio isključen.

O izvršenom nadgledanju, komisija je sačinila Izvještaj o nadgledanju, koji je dostavljen imaoцу dozvole na davanje komentara pod brojem 06-03-564-05/15 dana 13.07.2015. godine. Imalac dozvole je 16.07.2015. godine u FERK pod brojem 06-03-564-06/15 dostavio dopis

„Izjašnjavaње u vezi Izvještaja o izvršenom nadgledanju proizvodnog objekta mHE „HUM““, u kojem je navedeno kako je izvještaj pregledao, proučio i na isti nema primjedbi. Istim, informiše FERK da je preduzeo aktivnosti kod nadležnih institucija u cilju dobivanja prethodnih dozvola, odobrenja za turbinu/agregat 295 kVA, te će po dobijanju istih blagovremeno informisati FERK. Navodi i da je dana 16.07.2015. godine podnesen zahtjev za obnovu dozvole za rad za proizvodnju električne energije.

FERK je na XIII redovnoj sjednici održanoj 23.07.2015. godine analizirao Izvještaj o nadgledanju, kao i dostavljene komentare imaoća dozvola, u skladu sa svojim pravilima i propisima i uslovima dozvola za rad.

FERK je utvrdio da je potrebno imaoću dozvole naložiti preduzimanje mjera, navedenih u dispozitivu ovog rješenja, da bi se otklonile sve učinjene povrede izdate dozvole za rad – licence, i to bez odlaganja.

Postupanje imaoća dozvole po naloženim mjerama je naročito važno iz razloga što FERK ima mogućnost u skladu sa članom 21. i članom 108. Zakona o električnoj energiji u Federaciji Bosne i Hercegovine, odnosno članom 53. Pravilnika za izdavanje dozvola, a slijedeći navedeno i u skladu sa tačkom 11. izdate dozvole za rad – licence pokrenuti postupak za izdavanje prekršajnog naloga, te postupak oduzimanja dozvole, a takođe FERK kod razmatranja zahtjeva za obnovu dozvole za rad, ocjenjuje postupanje imaoća dozvole po uslovima propisanim u prethodno izdatoj dozvoli za rad.

Na osnovu naprijed navedenog, odlučeno je kao u dispozitivu ovog rješenja.

#### **POUKA O PRAVNOM LIJEKU:**

Protiv ovog rješenja imenovani može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primitka rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**PREDSJEDNICA FERK-a**  
**Dulizara Hadžimustafić**

Dostaviti:

- „ESKIMO S 2“ Travnik d.o.o.
- Sektoru za pravne poslove
- Sektoru za tehničke poslove i licence
- Sektoru zajedničkih poslova
- oglasna tabla
- a/a